

N 09-2/5987

31/07/2019

5987-09-2-2-201907311505



საქართველოს სტრატეგიული კვლევებისა და
განვითარების ცენტრის პროგრამის
კოორდინატორს ვახტანგ კობლაძეს
მისამართი: თბილისი, დელისის 1 შეს. 5

ბატონო ვახტანგ,

2019 წლის 15 ივლისს სსიპ სურსათის ეროვნულ სააგენტოში შემოვიდა თქვენი წერილი (#11648 15.07.2019წ.), რომელიც ეხებოდა სავაჭრო ცენტრ „ისტეფონთ“-ში მდებარე, ჰიპერმარკეტ კარფურში საკვებად უვარგისი (არასასიამოვნო შეფერილობის, გემოსა და სუნის მქონე) ვალიოს კარაქის შექმნის ფაქტს.

თბილისის საქალაქო სამსახურის ინსპექტორების მიერ სახელმწიფო კონტროლი განხორციელდა თბილისი, თვალჭრელიძის #2-ში მდებარე ჰიპერმარკეტ „კარფურ“-ში (შ.პ.ს. „მაჯიდ ალ ფუტაიმ ჰიპერმარკეტს ჯორჯია“ ს/კ 404923749). შეტყობინებაში აღნიშნული ვალიოს დაფასოვებული კარაქის რეალიზაცია ადგილზე აღარ ხდებოდა და ასაწონი კარაქი („ვალიო“) საერთოდ ამოღებული იქნა რეალიზაციიდან. აღნიშნულ ჰიპერმარკეტში შემოწმებულ იქნა, არსებული ჰიგიენურ/სანიტარული მდგომარეობა, სურსათის ეტიკეტირება, ვარგისიანობის ვადები და შენახვა-რეალიზაციის პირობები. შემოწმების მომენტში დარღვევები არ გამოვლინდა.

თბილისის საქალაქო სამსახურის ინსპექტორების მიერ სახელმწიფო კონტროლი ასევე განხორციელდა თბილისი, გაგრის ქ. #2-ში, მდებარე შპს „ევროპროდუქტი“-ს (ს/კ 202227134) სასაწყობე ფართში. აღნიშნული სასაწყობე ფართის დათვალიერებისას გამოირკვა, რომ კარფურის მიერ დაფასოვებული კარაქის პარტია ბიზნესოპერატორს სრულად აქვს რეალიზებული და სასაწყობე ფართში არ დაფიქსირდა ზემოაღნიშნული პარტიის ნაშთი. ადგილზე ასევე შემოწმებულ იქნა, არსებული ჰიგიენურ/სანიტარული მდგომარეობა, სურსათის ეტიკეტირება, ვარგისიანობის ვადები და შენახვის პირობები. შემოწმების მომენტში დარღვევები არ გამოვლინდა.

პატივისცემით,

მაია საბაშვილი

სამსახურის უფროსი